

**ALKATETZA  
DEKRETUA**

2020 000002621

Espediente-zenbakia: 2020/IDA\_DEK0472

**Xedea**

**SARSCoV-2k eragindako** infekzioen ugaltzearen ondorioz sortutako osasun-alerta dala eta, 2020ko azaroaren 7tik aurrera, gurtza zentroetan jarraitu beharreko osasun eta segurtasun neurriak onartzea.

**Aurrekariak**

Lehenengoa: COVID-19aren hedapenak eragindako osasun-alertak sortu dauen egoeraren aurrean, Lehendakariak, martxoaren 13ko 6/2020 Dekretua emon eban, Lehendakariak Euskadiko Herri Babeseko Plana-Larrialdiei Aurregiteko Bidea-Labi zuzentzeko eskumenak bereganatzeko.

Bigarrena: COVID-19ak sortutako osasun krisia kudeatzeko Alarma Egoera ezartzen duen martxoaren 14ko 463/2020 Errege Dekretua onartu zan.

Hirugarrena: COVID-19ak sortutako osasun egoeraren ondorioz, heriotza kasuetarako arauak ezartzeko Osasun sailburuak agindua emon eban 2020ko martxoaren 26an.

Laugarrena: COVID-19aren zabaltzea eta kutsatzea ekiditeko, beilak eta hileta-ospakizunetarako ez ohiko neurriak ezartzen Osasun Ministroaren SND/298/2020 Agindua emon zan martxoaren 29an.

Bosgarrena: 2020ko martxoaren 30eako 872 zenbakidun Alkatetza Dekretu bidez, COVID-19ak sortutako osasun egoeraren ondorioz, heriotza kasuetan jarraitu beharreko osasun eta segurtasun neurriak onartu ziran.

Seigarrena: 2020ko ekainaren 9an, COVID-19ak sortutako osasun krisia aurre egiteko prebentzino, euspen eta koordinazio premiazko neurriak ezartzeko 21/2020 Errege Dekretu-Legea onartu zan.

Zazpigarrena: 2020ko ekainaren 18ko Lehendakariaren 14/2020 Dekretuz, deseskaladarako 3. Fasea gaindituztat eta, horrenbestez, alarma-egoeraren esparruan hartutako neurriak indargabetu eta "normaltasun berria" hastea onartu zan.

**Sinadurea eta data**

Zortzigarrena: 2020ko ekainaren 18an, Osasun sailburuak, COVID-19ak eragindako osasun-krisialdiari aurre egiteko, Normaltasun Berrirako Trantsiziorako Planaren 3. fasea gainditu eta gero, beharrezko prebentzio-neurriei buruzko Agindua emon eban.

Bederatzigarrena: 2020ko uztailaren 28an, Osasun sailburuak, 2020ko ekainaren 18an emondako Aginduaren eranskina aldatzen dauen Agindua emon eban.

Hamargarrena: 2020ko abuztuaren 14an, Segurtasun sailburuak, COVID-19 dalakoaren hedapenaren ondoriozko osasun-alertak eragindako egoera dela eta, Euskadiko Babes Zibileko Plana, Larrialdiei Aurreiteko Bidea-Labi izeneko plana, formalki aktibatzen Agindua emon eban.

Hamaikagarrena: COVID-19aren hedapenak eragindako osasun-alertak sortu dauen egoeraren aurrean, Lehendakariak, 2020ko abuztuaren 15ean 17/2020 Dekretua emon eban, Lehendakariak Euskadiko Herri Babeseko Plana-Larrialdiei Aurregiteko Bidea-Labi zuzentzeko eskumenak beregatzeko.

Hamabigarrena: 2020ko abuztuaren 19an, Osasun sailburuak, 2020ko ekainaren 18an emondako Aginduaren eranskina aldatzen dauen Agindua emon eban.

Hamahirugarrena: 2020ko urriaren 22an, Osasun sailburuak Euskal Autonomia Erkidegoan, COVID-19ak eragindako egoera epidemiologikoaren bilakaera dela eta, osasun publikoko prebentzio-neurriak hartzeko Agindua emon eban.

Hamalagarrena: Alarma Egoeraren eremuan, egoera epidemiologikoaren bilakaeraren ondorioz eta SARSCoV-2k eragindako infekzioen hedapenari eusteko, 2020ko urriaren 26an, Lehendakariak, Osasun publikoko prebentzio-neurriak hartzeko 36/2020 Dekretua emon eban.

Hamabosgarrena: 2020ko azaroaren 6an, Lehendakariak, 36/2020 Dekretua aldatzeko 38/2020 Dekretua emon dau.

## Argudioak

Lehenengoa: Lehendakariak azaroaren 6an emondako 38/2020 Dekretuan honakoa xedatzen da:

1. artikuluan: "Aldatu egiten dira maskara nahitaez erabili beharri buruzko 1. eta 2. paragrafoak, kautela- eta babes-neurriei buruzko 1. apartatuan, eta honela geratzen dira idatzita: «Maskarak erabiltzeko derrigortasuna. Sei urtetik gorako pertsonak nahitaez erabili beharko dute maskara, pertsonen arteko distantzia edozein dela ere, bai bide publikoan eta aire zabaleko espazioetan daudenean, bai erabilera publikoko espazio itxietan daudenean edo jendearentzat irekita daudenean, bai espazio berean beste pertsona batzuekin elkartu ahal direnean, Prebentzio-, geldiarazte- eta koordinazio-neurri urgeteen ekainaren 9ko 21/2020 Errege Lege Dekretuaren 6.2 artikuluan aurreikusitako kasuetan

2



Agiri hau benetakoa dala udalaren egoitza elektronikoan egiaztatu ahal dozu.  
Kodea:  
07E400053B5F001917M3V4W6D3

### Sinadurea eta data

ARITZ ABAROA CANTUARIENSE-BERMEOKO ALKATEA - 06/11/2020  
CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 06/11/2020  
14:49:25

EXPEDIENTE ::  
2020IDA\_DEK0472  
Data: 30/03/2020  
Lekua: Bermeon  
Erregistro unidatea:  
Erregistro nagusia



izan ezik. Arrazoi medikoengatik maskarak erabiltzearen salbuespena ziurtagiri mediko ofizialaren bidez egiaztatu beharko da.

Lantokietan nahitaezkoa izango da maskara erabiltzea. Betebehar hori ez da eskatuko lan-tipologia edo - baldintza bereziak kontuan hartuta, laneko osasun-zerbitzuek ez erabiltzea gomendatzen duten kasuetan. Nolanahi ere, 1,5 metroko segurtasun-distantzia gorde beharko da.»”.

**3. Artikuluan:** “Aldatu egiten da 5. apartatu osoa, eta honela idatzita geratzen da:  
«5.– Kultu-lekuak. Kultu-aretoetara joateak ezin izango du edukieraren % 35 gainditu, eta, nolanahi ere, erabiltzaileen arteko 1,5 metroko distantzia bete beharko da. Gehieneko edukiera kultu-aretoan jarri beharko da, ikusteko moduko lekuan».”.

**Bigarrena:** Edozein kasutan Osasun Ministerioak eta Osasun sailak emandako gomendioak eta aginduak errespetatu beharko dira.

**Hirugarrena:** Erabagia hartzeko ahalmenari jagokonez, Toki Entitateen Erregimenaren oinarriak onartzen dauzan 7/1985 Legearen 21.1.m) artikulua arabera, alkateari jagoko, beti be Osoko Bilkureari erabagi horren barri emonda egiten dan lehenengoko batzarrean.

## **Erabagia**

Hori guztia dala eta, honakoa erabagi dot:

**LEHENENGOA:** SARSCoV-2k eragindako infekzioen ugaltzearen ondorioz sortutako osasun-alerta dala eta, 2020ko azaroaren 7tik aurrera, kontrako agindurik emoten ez dan bitartean, gurtza zentroetan jarraitu beharreko osasun eta segurtasun neurri honeek onartzea:

- Bertaratutakoen kopurua ezingo dau aforoaren %35a gainditu. Gehienezko aforoa argitaratu eta ikusgai egon beharko da.
- Parte hartzaileek gitxieneko distantzia (1,5 m.) bermatu beharko dabe, ahoa babesteko maskarila erabiliko dabe.
- Osasun agintariak emondako generako gomendioak jarraitu beharko dabez uneoro.

**BIGARRENA:** Erabagi hau gurtza zentroeri jakinaroztea.


**HIRUGARRENA:** Idazkaritza Sailari eta ATB Sailari erabagiaren barri emotea.

**LAUGARRENA:** Erabagia Bermeoko Udalaren web gunean argitaratzea.



**BOSGARRENA:** Hurrengo Tokiko Gobernu Batzarrean eta Osoko Bilkurean Dekretuaren barri emotea.

**Oharra:** sinadurea eta data orri-oinean .

 <p>STEMMA PRODERI IN PRIMIS BERMEI</p>	<p>Agiri hau benetakoa dala udalaren egoitza elektronikoan egiaztatu ahal dozu.</p> <p>Kodea: 07E400053B5F001917M3V4W6D3</p>	<p><b>Sinadurea eta data</b></p> <p>ARITZ ABAROA CANTUARIENSE-BERMEOKO ALKATEA - 06/11/2020 CN=tsa.izenpe.com, ORGANIZATIONIDENTIFIER=VATES-A01337260, O=IZENPE S.A., C=ES - 06/11/2020 14:49:25</p>	<p>EXPEDIENTE :: 2020IDA_DEK0472</p> <p>Fecha: 30/03/2020 Lekua: Bermeon Erregistro unidatea: Erregistro nagusia</p>
---	--	--	--

